

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri.**

**Imm .02 Siulittaasup nalunaarutaa.**

**Aningaasaqarnermut tunngasut**

**Imm. 03 Balance-t.**

**Suliassat nalinginnaasut**

**Imm. 04 Nunaqarfiup 260-ngortorsiornerata nalliuttorsiuutigineqarnissaanut suleqatigiisitalianik ataatsimeeqateqarneq**

**Imm. 05 Aasamut pisussat annertuut pillugit Vejformand kiisalu katersugaasiviup nakkutiginnittuanik ataatsimeeqateqarneq.**

**Imm. 06 Bygdepulje/Nunaqarfinnut aningaasaliissutit sanaartugassat assigisaallu aallartinneqarnissaat**

**Imm. 07 Planstrategi/Pilersaarusionermermi periusissat pillugu innuttaasunik ataatsimisitsinissaq.**

**Paasissutissiissutit**

**Imm. 08 Paasissutissiissutit/Ilisimatitsissutit**

**Imm. 09 Tamalaat.**



Ataatsimiinneq aallartippoq nal: 13:10

*Peqataasut:*

***Atassut***

Tønnes Kreutzmann  
Albrichtine Lyngø

***Siumut***

Barnabas Larsen

*Nalunaaruteqarlutik peqataannngitsut:*

*Nalunaaruteqaratikpeqataannngitsut*



**Imm. 01 Oqaluuserisassat akuersissutigineri**

**Aalajangiineq**

Imm.04 Oqaasertai iluarsisassat.

Ataatsimiissutissat akuersissutigineqarput.



**Imm. 02 Siulittaasup nalunaarutai.**

Ilanngussaq 1.  
Siulittaasup nalunaarutai.

**Aalajangiineq**

Tusaatitug tiguneqarput.



**Imm. 03 Balance-t.**

Maleruagassatigut tunngavissat.

Karseqarnermut ilanngussaq 1.

Balance-t.

Karseqarnikkut Qeqqata Kommunia-ta maleruagassaa.

**Innersuussut**

Innersuussutigineqarpoq ilaasortanit tusaatitugineqassasut.

**Aalajangiineq**

Tusaatitugineqarput.



**Imm. 04. Nunaqarfiup 260-ngortorsiornera nalliuttorsiuutigineqarnissaanut suleqatigiisitani ataatsimeeqateqarneq.**

*J.nr: 03.19*

Tunuliaqutaq:

Oqaluuserisassanngortitsisoq nunaqarfimmi aqutsisut siulittaasua Tønnes Kreutzmann. 09.Marts 2015 ataatsimiinnermi isumaqatigiissutigineqarpoq tullissaanut ataatsimiinnissamut ulloq 15.April 2015 nalliuttorsiornermi suut qanorlu ingerlanneqarnissaanut suleqatigiisitaliakkaat sukumiinerusumik saqqummiussaqaassat taakkulu aningaasatigut matussuserneqarnissaanut il.il. inissinneqassallutik.

Pissutsit atuuttut:

Nunaqarfimmi aqutsisunut ilaasortap Barnabas Larsen -ip siunnersuuteqarneragut suliaq aallartinnikuuvoq, ulloq 29/01-2015 nunaqarfimmi aqutsisut siulittaasuat Tønnes Kreutzmann siunnersuuteqarpoq aalajangersimasunik inuttalersuinikkut suliat aallartisapallanniarlugit ingerlasoqasasooq. Kristian Willumsen – Kirsten Petrussen Sofiaaraq O Petrussen allaffigineqarput ataatsimiinnermut peqataajartoqqullugit.

Ulloq 9.Marts 2015 ataatsimiinnermi kissaatigineqarpoq nunaqarfimmi aqutsisut ataatsimeeqqilerpata ulloq 15.April 2015 aggersarneqaqqissasut.

Allaffeqarfiup naliliinera:

Allaffeqarfik isumaqarpoq suliniut pitsaasuusooq siunniunneqarsimasullu piviusunngortinniarneqartariaqartut.

**Innersuussut:**

Allaffeqarfiup innersuussutigaa aggersarneqarsimasut peqatigalugit killiffissiuisooqasasooq.

**Aalajangiineq**

Ilaasortaq Albrichtine Lynge ataqatigiissaarisutut toqqarneqarpoq. Atatsimiinnissamut tullermut qaaqquisuussaaq.



**Imm. 05. Aasamut pisussat annertuut pillugit Vejformand kiisalu katersugaasiviup nakkutiginnittuanik ataatsimeeqateqarneq.**

*J.nr: 15.00*

Tunuliaqutaq:

Oqaluuserisassanngortitsisoq nunaqarfimmi aqutsisut siulittaasua Tønnes Kreutzmann. Aasamut pisussat annertuut eqqarsaatigalugit nunaqarfiup qeqqani suliarisassanut tunngasunik Vejformand kiisalu katersugaasiviup nakkutiginnittua peqatigalugit eqqartueqatigiittoqarnissa siulittaasup siunnersuutigivaa.

Pissutsit atuuttut:

Siusinnerusukkut eqqartornikuusat suliarineqarneri killiffissiorneqassapput oqaloqatigiinnerit ingerlanneqarnissaat pisariaqarpoq.

**Innersuussut:**

Allaffeqarfiup innersuussutigaa, ilaasortat oqallisigalugu aalajangiissasut.

**Aalajangiineq**

Teknisk Forvaltning-mut paasiniaasoqassaaq, katersugaasivik pillugu.

Nakorsiarfiup ataaniittoq puttasut ikaartarfia silinnerusumik sanasoqarnissaa pillugu Teknikkeqarfiup ittua paasiniaaffigineqassaaq.



**Imm. 06 Bygdepulje/Nunaqarfinnut aningaasaliissutit sanaartugassat assigisaallu aallartinneqarnissaat**

*J.nr.*

Tunuliaqutaq:

Namminersorlutik Oqartussat nunaqarfinnut aningaasaliipput 10.mio kroner taakkulu agguaan-neqarmata Qeqqata Kommunia 2,5 mio.koruuninik tunineqarpoq.  
Taakunanga Kangaamiut 350.000 koruuninik pissarsivoq.

Pissutsit atuuttut:

Nunaqarfimmi aqutsisut ataatsimiinnerminni ulloq 9.Marts 2015 eqqartorpaat aningaasaliissutit sumut atorneqarnissaat ukuusut:

- Suliffissaaleqisunik toqqaannartumik sulisitsineq 100.000,- kroner.
- Kissaatigineqarpoq umiarsualiveqarfiup sissamiittullu saviminikuiarneqarnissaa ca.50.000,- kr
- Imm.06–miittoq puttasut piniarneqarnissaat/Kangaamiuni suliffissaaleqisunit suliarineqar-lutik Vejformand peqatigalugu ca.50.000,- kr
- Utoqqaat illuata eqqaaniit kujammut aqquernut isuliffiata tungaanut asvalterineq ca.300.000,- kr.
- Nunagissaanermik qaartiterineq ca.100.000,- kr.
- Ujaqqat qaartitikkat atorlugit tinutitittarfiliasanut piareersaaneq ca.50.000,- kroner.

**Innersuussut**

Allaffeqarfiup innersuussutigaa,ilaasortanit oqallisigineqarluni kissaatigisat pingaarnersiorneqas-sasut.

**Aalajangiineq**

Aqqusinermi asfalt-erineq peerneqarpoq.

1. Umiarsualiveqarfiup sissamiittullu saviminikuiarneqarnissaa: Ca.50.000,-
2. Puttasut ikaartarfissaasalu /Kangaamiuni suliffissaaleqisunit suliarineqarnissaat Vejformand peqatigalugu ca.50.000,-
3. Nunagissaanermik qaartiterineq ca.200.000,-
4. Suliffissaaleqisunut toqqaannartumik sulisitsineq 50.000,-

Tunngavilersuutigineqarpoq nunagissaaneq eqqaavissuassap tungaanut qaartiterineqassasoq, kuisimannigtsuninngaaniit aqqusineq eqqarsaatigineqarluni.





**Imm. 07    Planstrategi/Pilersaarusionermermi    periusissat    pillugu    innuttaasunik  
ataatsimiitsinissaq 2014-2018**

Tunuliaqutaq:

Pilersaarusionermermi periusissat (planstrategi) maanna nittartakkatigut innuttaasunut tusarniaasutigineqarpoq, tamannalu ilutigalugu nunaqarfimmi aqutsisut sulisullu ikioqatigiillutik innuttaasunik ataatsimiititsisoqarnissaanut kissaatigineqarpoq sap.ak. 17 – 18 .

Kissaatigineqarpoq innuttaasunik ataatsimiititsinermermi nunaqarfik saqqummiunneqassasoq oqallissigalugulu. Tamanna Kommunalbestyrelse-ip tusarniutigineqarnissaa ulloq 17.Februar 2015 akuersisutigivaa sapaatillu akunneri 8-ni tusarniutigineqassalluni.

Pissutsit atuuttut:

Nunaqarfimmi aqutsisut pilersaarusionernissami kissaataat:

**Pilersaarusionernissamut** nunaqarfimmi aqutsisut kissaataat salliukkusuppagut.

**Aalisakkanik** suliaqartarnermi pitsanngorsaasarnermiluperiarfissat atorluarsinnaaqqullugit, nunaqarfimmi inuutissarsiorfissanik nutaanik pilersitsisoqarsinnaajuarnissaa salliukkusupparput.

**Eqqaavissuup** avannaatungaani nutaamik talittarfiliortoqarsinnaassanersoq misissorusupparput.

**Iliveqarfimmut** aqut pitsanngorsaavigerusupparput.

**Kangaamiut** eqqaani timmisartumik sisorariartitsisarnissamut akuersissuteqarnissaq eqqarsaatigalugu Kangaamiuni innuttaasut akuutinneqarnissaat sulissutiginiarparput.

**Qaqortorsuarmi** anortositsinik piiaveqalernissaanut IBA isumaqatigiissusiortoqassappat Itillimi, Kangaamiuni Kangerlussuarmilu innuttaasut akuutikkusuppagut.

**Suliffiit** amerlanerusut ataavartut pilersinneqarsinnaanerit salliukkusuppagut.

**Nukissiuuteqarnikkut** inerisaajuarneq pinngortitap nukingi atorlugu salliukkusuppagut.

**Innersuussut**

Allaffeqarfiup innersuussutigaa,nunaqqatigiinnut    ataatsimiitsisisoqassasoq    ulloq    22.April  
imaluunniit 26.April 2015.

**Aalajangiineq**

22.April 2015 ataatsimiittarfimmi nunaqqatigiinnut ataatsimiitsisisoqassaaq nal.19:00



## **Paasissutissiissutit**

### **Imm. 08 Paasissutissiissutit/Ilisimatitsissutit**

- Esra Rosing allakkat akissuteqarfigineqarneri.
- Atuarfiup siulersuisuisa ulloq 17/3/2015 ataatsimiinneranni imaqarniliaq.
- 2001-mi Theodora Berthelsen-iugaluap Kommunimut tunissutaasa paasissutissiissutigineqarneri.
- Qeqqata Kommunია-ni qipoqqartassat agguanneqarnissaanut tusarniaaneq.
- Kangaamiuni katersugaasivik pillugu / B 87-lu pillugit allagaqaat.
- Kangaamiuni nutaamik umiarsualiviliortoqarnissaa pillugu allagaqaat Knud Kristiansen-mit.
- Kangaamiuni KAPP-ip umiarsualivissaq pillugu allagaqaataat. Ulloq 27/3/2015
- Kangaamiuni nunaqarfimmi aqutsisut ulloq 9/3/2015 ataatsimiinneranni imaqarniliaq.
- Namminersorlutik Oqartussat nunaqarfinnut aningaasaliissutaat pillugu aningaasaqarnermut ataatsimiititaliap ataatsimiinnerani akuersissutaata assilinera. Ulloq 7/4/2015.
- Qaammat Marts 2015 allaffiup pisortaata nalunaarutaa.

## **Aalajangiineq**

KAPP allakkatigut akissuteqarfigineqassaaq.

### **Imm. 09 Tamalaat.**

- (B.L.) 9-11.Maj 2015 angakkuartartoq tikisinneqassaaq.
- (A.L) Meeqqerivik ningiutut tullersortitaarpoq 1/1-2015-miit.

Ataatsimiinneq naammasivoq. Nal: 15:30

